

دائرة مخصوصه

درسعادتده باب على جوارنده

محل اداره :

مشرط القلم

اخطار :

مسلكمزه موافق آثار جديده مع المنوئيه
قبول او انور

درج ابدىهين آثار اعاده او انور

ديره، فلسفه، علوم، حقوق، ادبياتده و سياسياتده وبالخاصه كرك سياسى و كرك اجتماعى و مدنى احوال و شئونه اسلاميه و ده بحث ايدر و هفته ده بر نشر انور.

آبونه بدلى

سنه لكى

التى آيلنى

ممالك عثمانيه	ايچون	۸۰	۴۰	غروش
روسيه	»	۶۰	۳۰	روبله
ساثر ممالك اجنبيه	»	۱۷	۹	فرانق

صاحب و مؤسلى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

درسعادتده نسخه سى ۵۰ پاره در

قيرله دن مقوا بورو ايله كوندريلىر سه سنوى
۲۰ غروش فضله آلنير

عدد : ۸۴

۴ ربيع الاخر ۳۲۸ پنجشنبه ۱ نيسان ۳۲۶

دردنجى جلد

سُورَةُ اسْلَامِيَه :

رومیه :

اوج بش سنه دنیو هر ولایتده اسلاملر آردسندده تحصیل معارف هوسی آرتقمده اولدینی کمال شکران ایله ایشیدیلور . بش اون سنه مقدم قران و قریم مسلمانلردن اعدادیلرده و عالی مکتبلرده طلبه بولندینی حالده شمده بالنسبه چوغالیور . سائر ملتلك طلبه سنه و روسیه ده کی اسلاملرک احتیاجاته نسبة بوقدری آز اولمقله برابر هیچ یوقدن البته خیرایدر . فنون عصریه تحصیلنده هریردن زیاده قافقازیا مسلمانلری همت کوستریورلر . رسمی تدقیقات احصایه دن بونی آکلیورز . باکو اعدادیلرنده ۱۲۰ ، ریالی مکتبندده ۷۰ ، ابتدائی شهر رشیده لرنده ۶۳۳ اولاد اسلام تحصیلده بولنیور .

کچن سنه باکو ولایتنده مکتب اسلامیه دن ۸ مدرسه ده ۹۱ طلبه و ۱۱۵ ملی مکتبندده ۳۱۲۷ شاگرد واردی . کوریایورکه مکتب و شاگرد لزومندن چوق آزدر ؛ کوکل آرزو ایدرکه ملی مکتبلره ده چوق اعتنا کوسترلسون . قزلرا اعدادیه سنده وینا مکتب عالیه سنده بالکیز ۲۴ مسلمنه تحصیل فنون ایدیور .

تفایس اعدادیه لرنده ۱۱۴ ، مکتب حربیه ده ۲۴ ، یونکر مکتبندده ۷ ، تجارت مکتبلرندده ۲۰ اولاد اسلام و عالی درجه قیز مکتبلرندده ۳۰ مسلمنه تحصیلده بولنیور .

خیلی سنه لردن برو رزان ولایتی داخلنده خان کرمان بلده سنده براسلام جمعیت خیریه سی دوام ایدیور . بوسنه ده واسع پروگرامله « ترقیون اسلام » جمعیتی تأسیس ایدلمشدر . نظامنامه سنی مجاهد شهر اسماعیل بك غصیرنسکی ترتیب ایدلمشدر . نظامنامه هر طرفجه مظهر قبول اولدینی جهته انشاءالله کوزل ثمره لر الله ایدله جکدر . جماعتلرک فعالیتنده نظامنامه لرك خیلی فائده سی کوریایور .

خان کرمان جمعیت خیریه سنک بوسنه کی خلاصه حسابیه سنه نظراً جمعیتک ۵۲ فخری و ۱۰۵ حقیقی اعضایی موجوددر . کچن سنه ابتدالرنده ۱۳۴۰۰ روبله سرمایه سی و سنوی ۱۷۳۸ روبله کلیری وارمش . خان کرمان جمعیت خیریه سی سنه ظرفنده فقرایه ۹۰۸ روبله صرف احتیاط اوله رق محافظه صندیغنه ۳۰۰ روبله ترك ایلش و بوسنه باشنده ۱۳۹۳۰ روبله سرمایه مالک بولنمشدر .

معارف جهته سده کی خدمتی ده « کتبخانه و قرائتخانه » بی دوام ایدرمکده کورلمشدر . جمعیتک کتبخانه سنده ۶۵۰ جلد اسلام کتابلری و ۱۷۵ جلد روس کتابی بولنیور . قرائتخانه سنه اعضالرك هدیه سی اوله رق قریبده منتشر ترجمان ، وقت ، یلدوز ، قرانده منتشر بیان الحق ، شورا ، اقتصاد ، صراط مستقیم ، ترك درنکی مجموعه سی ، روسکویه صلووو ، ایسکرا ، نیوا ، رزانسکی و سنیک غزته و مجمو - غه لری کلیور .

بالطه اسلام جمعیت خیریه سی

بالطه جمعیت خیریه سنک کچن سنه یه عائد خلاصه حسابیه سی جمعیتک سنه ظرفنده کی فعالیتی اثبات ایدیور . جمعیت خیریه لرمن میساننده اک مکمل ایش کورده نی بو جمعیت اولدیغنه قناعات حاصل اولیور .

جمعیتک کچن سنه ابتدا سنده ۱۲۸۰۷ روبله سرمایه موجودی و بوسنه ۶۴۶۶ روبله کلیری بولنیوردی . بوکلیردن ۳۸۰۰ مقداری صرف ایدلش ۱۳۰۰۰ روبله بلا فائض ۲۹ فقرایه قرض ویرلش . وسکیز مکتبده جمعیت حسابنه ۹۹ ارکک و ۵۶ قیز چوجنی تحصیل ایدیرلمکده بولنمشدر . مکتبلره ۱۷۵۶ روبله اعانه ویرلش ؛ اوده ساده دیش طبابتی تحصیل ایدن خیری احمدوف افندی یه ۴۵۰ روبله ، آقسجد اعدادیه سنده تحصیل ایدن خلیل افندی یه ۲۵۰ روبله اعانه ویرلش و ملی و فنی تدریسات ایچونده ۲۴۵۶ روبله صرف ایدلش ؛ و متباقی ایله فقرایه ، یتیملره معاونتده بولنمشدر .

بالطه جمعیتک تدریساته کوستردیکی همت شایان تقدیر و امتثالدر . جمعیتک بتون اعضایی ۲۳۵ و معاونلری ۳۳ ذاتدر .



هندستانه :

تایمس غزته سنک روایتده نظر آبنغاله ده کی مکتب و دارالفنونلره اختلالی تشویق ایدر اوراق توزیع اولنش و اجنیلره قارشی تحریکات اجرا ایدلمکده بولنمشدر . سیاسی جرائمدن طولانی تحت محاکمه یه آلنان ۷۶ ذاتدن بشنک غائب اولسی اوزرینه اجرا قنسان تحقیقاتده موقوفلرك قسم اعظمک اختلال جمعیتنه منسوب اولدینی آکلاشلمشدر . هندستان حکومت محلیه سی مختلف لسانلرده تألیف اولسان پک چوق آثارک مطبوعات قانوننه توفیقاً هندستان داخلنده منع انتشارینه قرارلر اصدار ایدلمشدر .

شورای قوانین مجلسنده هند بودجه سی مذاکراتی مناقشه لی ایدلمشدر . خطیبیلر پک مدلل و مقنع ایضاحاتده بولنمشدر . بومبای مبعوثلرینک وقوف و احاطه سیاسی و اجتماعی خاصی نظر دقتی جلب ایدمشدر . اک چوق اعتراض اولنان جهت کوشه دائر کمرک تعرفه سیدر که مبعوثلر بو تعرفه نك هند تجارتنی سکتده دارایتدیکنی ادعا ایدیورلر . معافیله ۱۸ رایه قارشی ۳۴ رای ايله حکومتک نقطه نظری قبول اولنمشدر . مبعوثلرك نفوذنی کسر ایدر صورتده جریان ایدن مذاکرات ايله اتخاذ اولنان مقرراتدن طولانی اهالی محلیه متأثردر .

اختلالجیلر دمیر یوللرینی بوزیورلر ، قطارلره قارشی سلاح استعمال ایدیورلر . حکومت مجرملری الله ایتک ایچون پاره و نشانلر وعد ایدیور .

ابراهیم افندی اسمنده براسلام تاجری صنایع و تجارتی اسلاملره

او كره ته جك علوم مفیده نك هندستانده بين المسلمين انتشاری ایچون ۴۵۰,۰۰۰ انگلیز روبیاسی تبرعه بولنه رق والی ولایت سیرفلارته تودیع ایلشدر . بو تبرعك انگلیز حكومتیه مأموریتشدیرمكندن زیاده مملكتیه علوم زراعیه وصناعیه نك تمایمی اسبابی تأمینیه صرف اولنه جغنی امید ایدر و بو حیثی دین قرداشمیزی عن صمیم القلب تبریک ایلرز .



عفر

صربستان قرالی در سعادت سیاحتی مناسبیه بتون صربستانده محبوس بولان بالجهل محکومین اسلامییه عفو ایتشدر . مشارایه قرالاک بو حرکتی بتون اهالی اسلامییه طرفدن ممنونیت ومنرت عظیمه ایله تاقی ایدیه جکی شبهه سزدر .

مطبوعات اسلامیه :

هدایای سنیه و روسیه مسلمانلری

اورنبورغده منتشر معلومات غزته سی (ترك قومی تاریخی) نام اثر ؤافنه طرف اشرف جناب خلافتپناهیدن احسان وار . ال بیوریلان هدایادن بحث ایله دیورکه :

« استانبولده چیقان و حكومتك ناشر افكارى عد اولنان یكى طنین جریده سنك ۶ محرم الحرام سنه ۱۳۲۸ تاریخی نسخیه سنده (محظوظیت سنیه) سرلوحه یله شویله یازیوردی :

« روسیه علمای اسلامییه سندن حسن عطا بن ملا محمدالبشی طرفدن تألیف ایدیلوب عرض عتبه آلیا قلنان (تاریخ قوم تورکی) نام اثر محظوظیت سنیه بی موجب اوله رق موصی الیه طرف خلافتپناهیدن بر عقیق تسبیح وقوردونیه برابر آلتون ساعت اهدا بیورلشدر » آندن نقلاً (وقت) ، (ترجمان) ، (بولدز) ، (ایدل) و سائر جریده لر دخی یازدیله . بوهدیة شاهانه صاحبه ایصال اولنق اوزره دولت علیه عثمانیه سفیری طرخان پاشا حضرتلرینه کوندرلشدر . سفارتخانه دن کلان بر مأمور مخصوص مؤلف اثر حسن عطا حضرتلرینه ویرلک اوزره هدایای سنیه بی اورنبورغ مفتیسی جنابلرینه تودیع و مفتی افندی حضرتلریده با کمال احترام صاحبه ایصال ایلشدر . هدیه شاهانه : طیشی قدیفه و ایچی اطلاس غایت مزین بر قوطی دروننده ایری و یک قیمتی عقیقندن دیزلش بر تسبیح در که عمامه سندن یوقاریسی آلتون بر قامچی و اوچنده صولوق آلتوندن اوچ مرجان ایله مزین طوبی واردر . ساعت ده ینه مزین دلربا بر قوطی ایچنده در . سفیر حضرتلرینك بیانیه نظراً طرف اشرف حضرت خلافتپناهیدن استعمال بیورلینسندن قیمت معنویسی دوبالادر . اشارتلی آچیق و مسلمان رقیله در . آلتوندن اولان قوردونی قبله نما سیله برابر یک شیددر . سلاطین عثمانیه جه بالذات استعمال بیوریلان

ساعتلری هدیه ایتك عادات قدیمه دندر که هدایانك ك قیمتداری عد اولنور . یالکیز مأمورلرینك خدمتلیری و اخلاصلرینی و آلات حربیه لری ذک علمانك کوز نورلری و اجتهادلری و قاملرینی بر پادشاهك تقدیر ایتسی تبغسنك ترقی و تمدنه شبهه سز که بیوک بر وسیله و استقبال ایچونده قل خیردر . سلطان محمد خان خامس حضرتلری یالکیز کندی مملکتلرنده کفی دکل باشقه مملکتلرده اولانلرکده آثار علمییه لری بویه التفاتلرله ربوکی عالی مکافاتلرله تلذیف وترغیب بیورلری حقیقه عموم اهل اسلام ایچون موجب شکراندر . سیاست و پولیتیه دن و مداحلقدن صاف و بعید ، صرف فن نقطه نظرندن یازلش بر علمی اثری تقدیر بیوروب سیاست و پولیتیه معنالنندن عاری مکافاتلر ایله (مدالیه پاره ایله دکل) تلطیف ایتسی حقیقت یک عاقلانه و مدبرانه معالیه در . سلطان محمد خان خامس حضرتلرینك هدایای سنیه لری یالکیز حسن عطا قاضی حضرتلرینه دکل بلکه زمره لرندن بولندی ایچون بتون روسیه علمای اسلامییه سنه مابه الافتخاردر . و افرادندن بری اولدینی ایچون بتون روسیه اهالی اسلامییه سنه ده التفات عالی در . اوغلرندن بری اولدینندن وطنز روسیه ایچونده بر شرف در »



اورنبورغ مفتیسی و دولت علیه سفیری

اوقا شهرنده نشر اولنان معلومات غزته سی اورنبورغ مفتیسی افندی حضرتلرینك پترسبورغه واقع اولان سیاحتلرندن بحثله دیورکه :

« پترسبورغ جامع شریفك وضع اساس رسمی مناسبیه اجرا قلنان مراسم احتفالیه ده حاضر بولنق اوزره پترسبورغه عزیمت ایتش اولان مفتی افندی حضرتلری شهر مذکوره مواصلتلیری متعاقب اولاً بخارای شریف ایرینی قیشاق سرایزه زیارت ایلدکن صکره طوغریجه خلافت مملکته اسلامییه سفیری طرخان پاشایی زیارت ایتك اوزره دولت علیه عثمانیه سفارتخانه سنه عزیمت بیورمشلر ایسه ده سفیر حضرتلرینی بوله مامشلردر . سفارتخانه دن چیقدقندن صکره ناظرلرله بالتلاقی اسلاملرک احتیاجات دینه و مایه سی حقننده تعاطی افکارده بولنه رق مساعد جوابلر آلمشلر و حضور جاریه قبوللری تقرر ایتش ایسه ده پترسبورغك وخات هواسی اساساً نحیف المزاج بولنق حسبیله عافیتلرینی اخلاص ایتدیکندن طولانی اطبانك تودیه سی اوزرینه موعود اولان مراسمدن صرف نظرله عودتی تعجیل بیورمشلردر . مع مافیه شو آز مدت ظرفنده ده دینی و ملی ایشلره دأر بر جوق بمعولرله مداوله افکاره موفقیت حاصل اولمشدر . دولت عثمانیه سفیری طرخان پاشا حضرتلرینك اعاده زیارتلرینی قبوله راحتسزقلری و سفیر حضرتلرینك امدادی خیلی کجیکدیره رک کیچ وقت ساعت اونده کش اولملری مانع اولمشدر »